



ГАДАЕВ МОХЪМАД-САЛАХЪ

Вер-витар

/Хьалха лелларш/

Суьйренашца шовданийн кортошка (мехкарша хиш оьцучу меттигашка) гуллуш хуьлура хьалха ярташка нах, берриш а бохург санна. Бакхийнаш генахьо ховшура. Мехкаршца шайн бала а боцучу суьртахь, ткъа кегийнаш хина гергахьа хлуьттурса, мехкаршка бист а хуьлуш.

Иштта гулбеллачохь дов даьллера Аласханан а, Ирсханан а берийн. Геметтахлиттина, тайна клентий хиллера Аласханан кхоь а, Ирсханан шиь а. Кертах баккъаш а товжийна,

вовшах аглош а тоьхна, хевшина лаш дай а хиллера. Генахь а боцуш. Шайн клентий а гуш.

Аласханан воккхахволчу кланта, ласттийна тур тоьхна, Ирсханан воккхахверг охъавиллинера хоттала. Хлетта догла а тийна, къегина малх а хъаьжна, луларчу баса стелалад а хлоьттина, исбаьхъа-хаза суьйре хиллера и царна ирча еанарг. Тлаккха, шаьлта баттара схъа а йоккхуш, шен ваша вийначунна чукхоссавелира Ирсханан шолгганиг, вукхарех цхъамма схъаластийначу шаьлтанна дуьхьал шен аьрру куьг а лоцуш. Ткъа и куьг, цу шаьлтано буткъачу пхъаьрсехула хада а дина, хоттала охъадоеьжнера. Чхъап-аьлла. Шаьлтанца хъалакховдийначу вукху куьйга баьккхина шен куй цу доьжначу куьйгана тле а тесна, шолгла чукхоссавелла, шаьлта тоьхна, охъавиллинера шен ваша вийнарг.

– Эх!.. Иштта-м хир дац! – аьлла, шаьлтанна тле ка а дуьллуш, хъалаайвелира Аласха.

– Веги хьо, Аласха! Веги хьо! Бераш дита! Охъахаа! – аьллера Ирсхана, чоин юх лаьцна, Аласха охъа а озош.

– Эх!.. Ваьгна а хилла, – аьлла, шен метта охъахиьнера Аласха.

Юкъабоеьллучу наха дов а сацийнера, кхин дехъа ца долуьйтуш, машар а бинера, Аласханан йол Ирсханан висинчу клантана а ялош, юкъахь хъагI-бода ца хилийта, гергарло чIагIдалийта.

«Ишта-ишта, машар а хили, хьо дIайига а баьхкина ворданца», – аьллера йоле. Божал чохь хиллера йол хIетахь, кхо доккхуш.

Меллаша баьхъа дIа а хIоттийна, ворданехъа йолаелира йол, ша ма-хиллара, кхоша буьзначу берзинчу когашца.

– Собарде, ши ког а цланбе, тле хлума а юха. Маре йоьдуш ю хьо! – аьллера гонахболчара.

– Э-э-э, и аш дуйцу маре дац хлара! – аьлла, вордана тле яьллера йол.

2

Оханийн белхаш хала хуьлура хьалха. Къаьсттана лаьмнашца йолчу меттигашкахь. Ялх, бархл сту а бужий, йоккхачу гловганца, къаьхьачу вонца, халла цхьа басарш дора. Буйсанашца стерчий дажадора. Тлехь а лаш. Нохчахкахоша «гоьзатахь лаш» олура цунах. Оцу гоьзатахь лаш волу Сайда вийнера цхьана буса, хьан вийна а ца хууш. Хьуьна юккърчу ирзу тле стерчий а лаьхкина, длатевжина хиллера и миска. Цигахь наб а кхетта луьллучу цунна коьртах диг тоьхнера, берриг хье схьа а тосуьтуш. Тлаккха юьхь тле шальта йиттинера, шина аглор йохуш. Юьхьан амат дитина а дацара.

Хьалххе гота йожа дагахь, са ма-тоссура вахначу дений, вешиний иштта ирча луьллуш карийнера Сайда.

Меллаша схьадаьккхина, шен чоа Сайдина тле а тесна, вукху кланте аьллера дас Себара:

– Хлара сурт вайн нахана ган лаьа суна. Эвла а глой, длахайта хлара. Маьждигера барам а бан.

Орца деанера эвлара, Себаргарна генавоццуш вехаш волу къена-воккха стаг
Болатмирза а юкъехь. Цо аьллера, Сайде а хьаьжна:

– Ма йоккха эрчалла ю хлара. Хлара болх балла боьрша йолуш хлума а, хлоккхул къиза
адам а хила йиш ма яц, ша и тхьогара жлаьла дацахь. И, мацца а, адам а дац. Жлаьла ду
ша ма-дарра! Я сийсара а, я тахана а цахула гуш а дац.

– Дера хаац, Болатмирза, хьенан жлаьла ду-м, – аьллера Себара, – вуьшта, жлаьла
хилар гуш ду, хьенан и делахь а. Цунна гечде ма ала соьга. И ца алийта, хлара сурт
ма-дарра шуна гайта, дехна ас шу схьа, тамехь ца хетташехь.

– Эр дац! – наха а аьллера. – Хлара санначунна гечде олуш а ца хуьлу.

Хила а хиллера Сайда вийнарг Болатмирзин «жлаьла» – Саьлмирза: юххерчу хьуьн чохь
Болатмирзагеран диг а карийнера цийша а дуьзна, ткъа мича вахна ца хууш,
Саьлмирза а вайнера. Цу те, Сайдега ян дагахь йолу йол езаш Саьлмирза хилла хилар а
хиънера Себарна. «Шена новкъараваккха вийна. Хьул ца луш тен стогалла а ца хилла,
ведда», – сацийнера Себара. Болатмирзех хабар а тоьхнера: хььца хлумма а дац шен,
цлера а ма вала, къехка а ма къехка, амма Саьлмирза лохур а ву ша, вуьтур а вац ша,
аьлла.

Ши-кхо шо а даьллера, Саьлмирзин лар а ца хаалуш. Таьххъара а хиънера: геннарчу
цхъана юьртахь лаш хиллера иза, шена кхин це а тиллина, ша схьаваьлла меттиг харц а
йийцина. И дласаволуш долу некъаш а хааделлера. Цкъа клело йича, карахь цхъа а герз
доцуш нисвеллера, эвла йистерчу варшахь. Клант а хиллера Себарца – Асхьаб, шен
вешин эрчаяьккхина юьхь цкъа а бляьргашна дуьхьалара дла ца йолушверг. Амма Себара
ца тохийтинера, герз а доцуш волу стаг вийча, наха бехк буьллур бу аьлла. Гучу а ца
бовлуш, ладийнера хлорш.

Шолгла, кочахь топ а, юкъахь шаьлта а йолуш нисвеллера, амма цуьнца кхин цхъа стаг
хиллера. Нехан стагана юххехь вер а ца тарделла, тлаккха а витинера.

Оццу варшахь кхозлагла кӀело йина хӀорш болуш, воглуш хиллера Саьлмирза, ша, юкӀах шаьлта йолуш.

Шега тохийтахьара цунна топ аьлла, хьаьвзинера Асхьаб. ТкӀа дас аьллера:

– Цуьнгахь топ яц. Тапча яц. Цуьнгахь ерриг тухур ю вай а.

Шен топ кӀанте дӀа а елла, Саьлмирзина дуьхьалвала кечвеллера Себар. Шех бӀаьрг кхетча, и вухур вуйла хууш (цуьнан «стогалла» евзаш), жимма тӀехъозавалийтинера. ТӀаккха, цӀокъберг санна, гӀара-тата доцуш, кхоссавелла, пхьарс лавцна, сацийнера, шегахьа схьа а верзош:

– Iайт, жӀаьла, яI, жӀаьла! ХӀинца-х ма ду хьо сан карахь! – аьлла, хьалха дӀахӀоттийнера. Пхьарс дӀа а хойцуш. – ХӀинца ас тоьдур ву хьо. Бойрша хетта а тоьдур вац, цу ахь диначу ирчаллина тоьдур ву. Адамах кӀахета адамалла-м хьобгахь ян а яцара, берахь дуьйна а! Цицигашкахь, жӀаьлешкахь, бежнашкахь ахь даллочу Iазапо а гойтуш дара иза-м. Вуьшта, эхь мукъане а хӀунда ца хийтира хьуна, наб кхетта Iуьллучу адамна коьртах диг тоха? Цул тӀаьхьа цуьнан юьхь тӀе шаьлта еттар хӀун дара хьан? ЦкӀа тоьхча а, уьттаза тоьхча а ца Iебаш! И хьайчул цӀена хилар дара?.. Хьай, неIалт хила цу хьан боьхачу юьхь тӀе! Бойрша йоцу хӀума! Схьаяккха хьайн шаьлта! Ас тухуш ю хьуна хӀинца!

ТӀаккха, баттара яьккхина, шаьлта тоьхнера Себара Саьлмирзина аьрру белша тӀе. Дукха чӀогӀа ца тоха дагахь тоьхнера, охьавоьжна валале дикка теда ойла йолуш. Амма чӀогӀа тоьхна хиллера: гӀабакхах санна, чуяхана иза, аьтту агӀорчу тӀа тӀе хӀоьттинера. Саьлмирза охьавоьжнера.

ТӀаккха варшара схьаваьлла Асхьаб хьаьвзинера, Саьлмирзан юьхь ата лиьна.

– Мегар дац! – аьллера Себара буьрса. – Охьавоьжначул тӀаьхьа тоха мегаш дац стагана, дийна и хилча а. ЖӀаьло жӀаьла а дуьту, охьадоьжча. ОьгӀазвахарх, йицӀьан мегар дац адамалла.

3

Буйсанна гулделлачохь, «кхераме» хлуманаш а дуьйций (шайтланаш а, белла нах а хъехабой), «майралла» къуьйсусу хуьлура берийн: «Маьждиган мимар чу куй билла мила ваьхар вара?» – бохуш. Бераш хьовх, дикка андабевлла кегийраш а хуьлура цу къийсамашкахь дакъалоцуш, дукха хьолахь кегийнаш длахоьхкуш.

Оцу андабевллачех цхамма – Юнасан лелас – юкъадаьккхинера цхьана буса, «Шийлачу шовданера» хи дан ваха мила ваьхар вара, бохург.

Эвлана башха генахь а ца хиллера, амма дукха буьрса, дийнахь а стаг ваха озалуш меттиг хиллера и «Шийла шовда» эриг, юькъачу хьуьн чохь, кlorгачу лин чохь, луйста къух даьлла, черчий, хьакхарчий, берзалай, цлокъбергаш хуьлуш (хабарехь)!

Ша ваьхар вара, аьллера Эскарханан Илеса, пхийтта- ялхитта шо хир долуш волчу.

Илес длаволавеллера, цлера чуьжарг¹ а схьаоьцуш вьоду ша аьлла. Ткъа лела, дуьхьал дол-долчула оьккхуш, цунна клелхаа вахнера, иза кхеро.

Шалго тапчанаш хуьлура хьалха, тлехь-клел эчигаш а йолуш, цхьа злок а йолуш. Цу злакар тлера цхьа пилдиг хьала ца саттийнехь, ший а йолура, цкъа йожийча. И тапча а яьхнера Илеса цлера, дех лачкъийна.

Юла а юьйлина, карахь и тапча а йолуш, готтачу глашлойн новкъахула хи долчу лин чу
воьссинера Илес, юххерчу бердах буйсанан олхазарша хьокхучу цлоганаша дегле зуз а
охуьйтуш. Чуьжарг хих а юьзна, хлара вухавоьрззушехь, юххерчу ярашлара цхьа хлума
хьалаайаеллера, боьха мохь-цлогла а хьокхуш...

Цул тлаьхьа хилларг дагадоглуш а, дийца хууш а ца хиллера Илесана.

Цхьана куьйгахь хих юьззина чуьжарг а йолуш, вукху куьйгахь яьсса тапча а йолуш,
берийн тобанна юкьаиккхинера Илес, хьераваьлларг санна, вистхилалуш а воцуш.

Шекбевлла бахначарна лела карийнера ярашлахь, велла. Нийсса даг тле кхетта хиллера
ши хлюъ.

Шен клентан валар муха хилла а хьаьжна, Юнаса хабар тоьхнера Эскархангарах: цлера
довла ма глерта, цхьа а тайпа чир-гамо хир яц вайна юкьахь аьлла.

Хила а ца хиллера.

Базарара гуллакх чекх а даьлла, юьстахваьлла, лаьтташ хиллера Хларон, накьосте
хьокжуш. Луларчу клотарара цхьаьна веана хиллера хлара шиъ. Цхьаьна цла ваха везаш а
хиллера.

Иштта лаьтташ Хларон волуш, цхьа кхин стаг веанера кхунна тIе, хIара вевзаш, амма кхунна вевзаш а воцуш. Хларонан хеннара эр долуш стаг хиллера, шовзткъе иттеш шо хир долуш. Амма чога бос баьхьна хиллера, цхьа хIума лъехуш санна кхерсташ ши бIаьрг а болуш. Хларонца къамел доло а гIерташ, цунах дош ца хуьлуш воллуш хиллера и стаг. Цо лелориг лартIехь дацар а гуш, хIун ду ца хууш, лаьтташ Хларон а хиллера.

Оцу минотехь цхьа кхин схьаваьллера базар юккъера, карахь топ а йолуш. Гергахьа а гIоьртина, гIап-аьлла топ тоьхна, Хларонца лаьттарг охьавиллинера цо. И охьа а виллина, дIаволавеллера.

– Собарделахь, хIай, къонах! ХIара хIун ду ахь динарг? ДIа ма гIолахь! – бохуш, тIаьхьа Хларон а волавеллера.

– Суна тIаьхьа ма гIерта, ас вийнарг сайн мостагI ву! – аьллера вукхо.

– Ой, ткъа, суна юххе а хIоттийтина ца вийча, кхин меттиг яцара хьуна и вен? ТIаьхьа а гIертар ву, дIа а вохуьтур вац! – аьлла, тапча йиттина, вийнера Хларона и стаг.

* * *

Дагахь хIиттийна суьрташ а доцуш, билггал хилла хIуманаш ду и дийцинарш (цундела яртийн цIерш а ца яьхна, нехан цIерш а кхин ю).

Хинцалерачу хьесапехь, «акхаралла» ю и, амма дегнаш «къиза» долуш, кхетамаш «акха» болуш лелийна долу «хIуманаш» дац уьш. Къоман исторически кхиаран хьелашкахь иьшарна кхолла а делла, хIетахьлерачу юкъараллин дIахIоттаман

хъашташна гларолехъ лаьттина долу законаш ду уьш. Кхечу ламасташца цхъаьна, вайн къоман «юьхъ», цуьнан оздангалла меттахъ латтийнарш ду.

Хинца оьшуш дац: хинца ледалан законаш ду лелаш. Амма, хIетахъ уьш ца хиллехъ, къоман лаккхара мораль лалашлур яцара. Дикачу агIор яьржина хир яцара вайн жимачу къоман цIе доккхачу дуьнен чу.

Цецваллал тамашийна дерг кхин ду: оццул «акха» долу и законаш а лелийна вайн дайша йоккхачу оздангаллица (масала, карахъ герз доцуш хилча я нехан стагаца хилча, мостагI цавер, кхидерш). Духовни культурин лаккхарчу тIегIанаш тIехъ бен хила амал доцург ду и.

Цуьнга хьовса безаш бара (цуьнга хьовса безаш а бу!) хинца дастаме леларш.